

 **AGATAUSILI A LEOLEO NIU SILA**
Ō Tātou Uara

Our Values

Fesoasoani mai ina ia matou tausisia a matou agatausili i aso taitasi, ina ia mafai ai pea ona mau fa'atuatua ina i matou e tagata uma i Niu Sila.

PRIMED



New Zealand
POLICE
Nga Pirihimana O Aotearoa

PRIME



FA'APOLŌFESA

IA FOLIGAA'I, IA AMIOA'I.

FA'AMATALAGA > MATOU TE MITAMITA E GALULUE O NI LEOLEO PO'O MALU O LE MALO INA IA FAIA NI SUIGA LELEI I PITONU'U O LO'O MATOU TAUTUAINA.

AISEĀ O FOLIGA MA GAIOIGA FA'APOLŌFESA, TU'U ATU I AI MA O MATOU TOMAI, E MATUĀ FESOASOANI TELE I O MATOU USO GALULUE MA TAGATA LAUTELE INA LATOU LAGONAINA SE OLAGA SAOGALEMU.

Ina ua fana i lalo le va'alele a le Malaysian Airlines faigamalaga MHI7 i Ukraine ma maliliu ai le to'a 298 o le pasese ma le auva'a, na ofo atu le fesoasoani a Leoleo a Niu Sila i le tau sailia o ē maliliu ina ia mafai ona toe fa'afo'i atu o latou tino i nai o latou aiga pele.

Na talia vave le matou fesoasoani – ua lauiloa i le lalolagi tomai o Leoleo Niu Sila e galulue ai i galuega faigata ma le ma'ale'ale o le sailia ma fa'amaonia tino o i latou na maliliu i le mala (Disaster Victim Identification - DVI).

O le fa'atinoga o le galuega DVI lea na faia ina ua tula'i mai le fa'avelave i le va'alele Erebus i le 1979 i le Anitafika, o ina na matu'ā lauiloa ai lenei ituaiga o galuega, ma talu mai lena taimi, ua fa'aleleia atili e le vasega o Leoleo la latou tali atu i le tele o isi galuega fa'apena. O nisi o galuega fa'a-DVI e sili atu ona faigata, e aofia ai galuega ia na fa'atinoina ina ua mavae fa'apāgapomu i Bali i le 2002, o le sunami na oso i le Boxing Day 2004, o le va'alele na pa'ū i le Fox Glacier i le 2010, o le Mafui'e i Kalaiesetete i le 2011, ma le fa'avelave na pa ai se paluni e fa'avea'i ai tagata i Carterton i le 2012.

Ta'ua e Inspector Mike Wright, o ia na ta'ita'ia le vaega na muamua o'o atu e fesoasoani i galuega lavea'i mo le Malaysian Airlines, ua atili fa'aleleia

tomai o Leoleo i le fa'atinoga o nei galuega lavea'i,
a o fa'agasolo mai le tele o tausaga o lo'o fa'aaauau
ai pea ona fa'aleleia le fa'atinoga o a latou galuega.

“E matou te a’oa’oina lesona mai a matou galuega uma e fai, e atili tapu’e lo matou iloa, o matou tomai ma aikia ina ia atili ai ona lelei atili la matou galuega” o le saunoaga lea a Mike, o se tasi na galue mai i lenei fo’i matata talu mai le vaitau o le 1970.

A o matou galulue i le fa'alavelave o le Malaysian Airlines, sa ou va'aia ai pea mea e matuā talitutusa ai lava ma le fa'alavelave i Kalaisetete. Sa mafai ona ou fa'apea atu 'Ua ou o'o i lenei mea – ou te iloa le mea e fai i le tulaga lenei' ma ou fa'asoa atu ai o'u tomai ia i latou o lo'o feagai ma le va'aiga o le galu'e.

E i ai foi lesona ua matou a'oa'oina mai lenei galuega, ma o le a matou fa'aaogā ina ia faia ni fa'aleleiga atili. E 'auga uma lava i le ofoina atu o se tautua e sili ona lelei (fa'apolōfesa) ina ia mafai ai ona fa'amavae lelei atu nai tagata i o latou aiga pele ua maliluu. Ua afaina fo'i i latou."



PROFESSIONALISM

Te Mahi Ngaio tonu

Look The Part
Be The Part

Kia rangatira te tū, kia rangatira te mahi



FA'AAALOALO

FA'AALIA I ISI UIGA LELEI O LO'O LATOU MANANA'O AI.

FA'AMATALAGA › MATOU TE FA'AMAMALUINA TAGATA TA'ITOATASI, E FA'ATĀUAINA A LATOU AIĀ TATAU MA LAGOLAGOINA O LATOU SA'OLOTOGA.

AISEĀ › A FA'AAALOALO LE TASI I LE ISI FA'APEA LE FA'AAALOALO I TAGATA LAUTELE MA PITONU'U O LO'O MATOU GALULUE FA'ATASI, O LE A FA'ATUPU A'E AI LE AGAGA MAUFA'ATUATUAINA O LA MATOU FA'ALAPOTOPOTOGA.

Ina ua loka atu i le ofisa o leoleo i North Island se fa'afāfine i se moliaga ogaoga, sa faia e le aufaigaluega i lena ofisa o leoleo le mea silisili ina ia fa'amautinoa sa feutaga'i i se auala fa'aaloalo ma lena tagata.

Na iloa e lē na solitulafono o lo'o sailia o ia, ona filifili ai lea o le a alu lava ia e momoli ane o ia i le ofisa o leoleo. Peita'i, sa ia lagona le popole ma le masiasi i nei mau suiga ua o'o ia te ia. Na atili ona lē to'afilemu lona mafaufau ona o se manu'aga na āfaina ai.

Na fa'afeso'ota'i e le fa'afāfine se tama'ita'i ofisa i lo latou vaipanoa (local diversity liaison officer) e nafa ma mata'upu tau i tagata mai tupu'aga 'ese'ese, ma talosaga i ai pe mafai ona loka o ia i le ofisa o lea tama'ita'i, ae lē o se nofoaga e ono masani ona avatu i ai o ia.

Na iloa e le tama'ita'i ofisa e ono faigata mo le fa'afāfine le tulaga o mea iina i le potu taofia (watch house), ona mua'i vili ai lea o le tama'ita'i ofisa ma faia se fuafuaga ina ia ave'ese muamua uma isi pagota sa i ai iina, a o le'i taunu'u atu i ai le fa'afāfine lea e avatu.

Ina ua taunu'u atu le fa'afāfine solitulafono i le ofisa o leoleo, sa matuā fa'apolōfesa ma fa'aaloalo le fa'atinoga atoa o galuega a le Satini ma le Leoleo sa tiute i le potu taofia i lena taimi atoa. Sa latou talanoa atu ia te ia e pei o se tama'itai, auā o le tulaga tonu lea o lo'o ia ola ai, ma fa'amalamalama lelei ia te ia le mea na tupu.

"Sa matuā lelei uiga o tagata uma. Na latou feutaga'i ma ia i le auala tonu lava sa ia mana'o ai, ma latou fa'amautinoa o lo'o tumau pea lona tulaga fa'amamaluina," o se fa'amatalaga lea a le sui ofisa (liaison officer).

Mulimuli ane sa toe fa'afeso'ota'i atu le fa'afāfine sa solitulafono i le Leoleo ma fa'afetai atu i ai i le auala sa latou feutaga'i ai ma ia. Ona o le fa'aaloalo sa fa'aalia ia te ia, ua ia matuā maufa'atuatua ai fo'i Leoleo.



FA'AMAONI

E TAUTALA LAVA GAIOIGA.

FA'AMATALAGA › MATOU TE FA'AMAONI MA FA'ATĀUA TAPULA'A SILISILI TAU AMIQ.

AISEĀ 〉 O LO MATOU FA'AMAONI O NI TAGATA TA'ITO'ATASI, MA O SE FA'ALAPOTOPOTOGA, E TĀUA TELE MO LE FA'ATUPUINA O LE MAUFA'ATUATUAINA MA LE MAUTINOĀ I LE VA MA ISI O MATOU USO GALULUE FA'APEA FO'I LE VA MA TAGATA LAUTELE MA PITONU'U O LO'O MATOU TAUTUAINA.

Na i ai ni atugaluga o leoleo i le Ofisa o Leoleo i Aukilani i Sisifo i se tasi o ali'i Leoleo, ona latou faia lea o le mea sa'o, ma fa'aioa atu o latou atugaluga i o latou pule va'aia po'o supavaisa.

O le i'uga, na faia se fa'aiuga i le ali'i Leoleo
lea sa ia solia le tulafono ma ia fa'alēaogāina
le mau fa'atuaina ma le mautinoa o tagata
i Leoleo.

Sa amata ona masalosalo Leoleo i le ofisa i Henderson i se tasi o ali'i Leoleo ona o le auala e fai ai ana galuega pe a sa'ili pepa fa'amaonia o mea (warrant searches), o ana amioga a o le'i faia se moliaga o nisi o moliaga ma taimi foi e feutaga'i ai ma tagata o lo'o maua mai ai fa'amatalaga (informants).

I lena lava taimi, sa talanoa atu ai se tasi
Leoleo (Community Constable) i se Satini
(Detective Sergeant) e fa'alioa i ai atugaluga
o nisi o le mamalu o le atunu'u ia o lo'o ta'u
atu e tusa ai o le auala o lo'o feutaga'i ai lea
Leoleo ma nisi e solia le tufalano.

O le i'uga, na fa'agasolo se sailiiliga
mae'ae'a ma faia ai moliaga i le ali'i Leoleo
i le umia o fuala'au fa'asāina o le aisa

(methamphetamine), gaoi ma le faia o gaoiga
lē fa'amaoni (corruption).

Mulimuli ane, sa ia ioeina ona moliaga e 14
ma falepuipui ai mo le valu tausaga ma le fā
masina.

Saunoa le Waitematā District Commander Superintendent, o Bill Searle, ua fa'aleaga e le ali'i Leoleo le tala'aga lelei e lē gata i Leoleo o Waitematā, ae o Leoleo uma o Niu Sila. O lana solitulafono ua ia fa'alataina ai le fa'atuatuaga sa tu'u atu e isi ona uso galulue ia te ia, ae o le mea tāua ia manatua, na mafua ona aliali solitulafono a lenei ali'i Leoleo, ona sa tausia e isi Leoleo le fa'amaoni, i lo latou fa'a'ailoa atu o o latou atugaluga sa i ai mo lenei ali'i.



INTEGRITY

Te Pono

*Actions Say
It All*

Mā ō mahi koe e mōhiotia ai



FA'AMATALAINA › TA'OU TE GAIOI I LE FA'ATUATUA, MA LE FA'AALOALO, O TA'IALA NA O LE TE TIRITI O WAITANGI – FA'APA'AGA, PUIPUIGA MA LE FAIA O SE SAO.

AISEĀ) O LE GALULUE FA'ATASI MA MAORI E TĀUA TELE MO LO TATOU TAULAU MANUIA. SE'ILOGA UA TUTU FA'ATASI ONA MAFAI LEA ONA TATOU GALULUE FA'ATASI MA FELAGOLAGOMA'I I LE TAUMAFAI E TINEIA LE FA'ATUPULA'IA O LE TO'ATELE O TAGATA MAORI E A'AFIA I LE TULAFONO.

Ua fa'aaogā e Leoleo i Hamilton le tomai tau fa'atufugaga (art) e fafau a'e ai a latou faia maufa'atuatua ma tupulaga talavou a le a'ai, e fa'amanatu ai le Waikato Tainui whakapapa ma le tikanga, ma saunia se meafaigaluega aogā mo le a'oa'oina o latou Leoleo i le talafa'asolopito o Maori.

Ina ua toe fa'afou le Ofisa o Leoleo i Hamilton, na talosagaina ai e le Area Commander Inspector, le susuga Greg Nicholls, le Iwi Liaison Officer o Kimiara Corness, ina ia mafaufau i se auala e fa'aofia ai ata o le fa'asinomaga o Maori i totonu o le fale o le ofisa.

O lana tali, na ia vala'aulia ai nisi o tupulaga talavou o le a'ai ina ia latou vali se ata telē i totonu o lona ofisa, o lo'o fa'aatagia mai ai vaega autū o le a'ai, e pei o ona atumauga, le Vaitafe o Waikato ma le fa'agasologa mai o le augā tupu a Maori (Māori King Movement). O lo'o tu tonu le ofisa o Leoleo i le ogatotonu o le vaega o le atunu'u sa finauina ai augā tupu o Maori (Kingitanga country) ma tuaōi o le Itumalo Waikato i ona tulimanu e fā.

Ta'ua e Kimiora, o lena galuega ua avea ma itu ua
lelei ai feso'ota'iga a Leoleo ma le tupulaga talavou
a le a'ai, i le amana'iaina o a latou taleni tau atisi,

ma una'ia ai i latou e fa'atāua ma fa'amanatu o
latou tupu'aga ma talafa'asolopito, i le taimi e
tasi ua latou foa'i atu ai fo'i se mea aogā mo le
komiuniti. Ua fa'atuputele ai le mau fa'atuatuaina
ma lagona mauiinoa o tupulaga talavou ma
fa'aloutele atili a latou fa'ia ma le Waikato Tajunui.

“E i ai ni tamaiti ua latou fa’apea mai, o lea fa’ato’ā latou masani lelei i isi uiga lelei o Leoleo. O nisi o nei tamaiti sa masani ona latou tusitusi ma valivali solo pa ma fale, ma e ui e lē masani ona talia e ofisa o Leoleo le masaniga lenei o le vali vali solo o mea, ae sa matuā telē se aogā o lenei fuafuaga mo i matou uma.

Ua fesoasoani ai i nisi o Leoleo e lē masani tele i le tala'aga faa-Maori o le a'ai, ma ua matuā fa'amaonia ai fo'i le tāua o le Matafaioi i Maori ma le Feagaiga, e ala i le amana'ia o le iwi ma hapū ma atia'e le maufa'atuatuaina ma le mautinoa i tupulaga talavou.”



COMMITMENT TO MĀORI & THE TREATY

Te piripono ki te iwi Māori me te Tiriti

Stand Together

Me tū tira tātou



TIGĀ ALOFA

TU'U OE I O LATOU TULAGA.

FA'AMATALAGA › MATOU TE TAUMAFAI E MALAMALAMA MA AMANA'IA TOMAI
MA NI MEA LELEI E ONO FAIA E I LATOU O LO'O MATOU TAUTUAINA.

AISEĀ › MATOU TE MAUA IUGA LELEI PE A MATOU MANATU I MEA E PEI ONA
MANATU I AI TAGATA O LO’O MATOU TAUTUAINA MA GALULUE FA’ATASI.

O le taumafai o Inspector Sue Douglas e malamalama i mea sa mafatia ai se tasi tamā, na mafai ai ona ia fo‘iaina i se auala to‘afilemu se tulaga mata‘utia na tula‘i mai, ma avatu le fesoasoani mana‘omia mo lea tamā.

A o asiasi atu Sue, le pule o le Police's Mental Health Team, i se falema'i, na ia va'aia ai ni sikulakī se to'atolu o lo'o tauivi e tauanau se tagata ma'i o lo'o matuā ita lava, ina ia toe alu i totonu o le falema'i. E manino mai o lo'o matuā a'afia le tamaloa i mafatiaga o le mafaufau, ma e ui lava sa fa'aaloalo le auala sa gaioi ai sikulakī, ae o le so'ona tumutumu atu i ai i le tamaloa, ua atili ai ona ita le tamaloa ma'i.

Na mafaufau Sue i toleniga na faia e nisi sa fesaga'i moni lava ma tulaga fa'apena sa fesoasoani ai i tagata na a'afia i mafatiaga o le mafaufau. Nai lo le talanoa muamua atu la o Sue i ali'i sikulakā, ae sa muamua fesili atu Sue i le tamaloa ma'i po'o le ā se mea o mana'o ai, ona fa'alologologo lelei lea a o talanoa mai le tamaloa ma malamalama ai i le mea faa e mafatia ai.

“O le mea muamua lava na ou faia, o lo’u tilotilo sa’o atu lava i ona mata ma ou fesili atu i ai po’o OK. Sa ou talosaga atu i tagata uma na i ai ina ia sôsô ese teisi i tua, ma ina ua matou fa’ataga lena avanoa mo ia, na peisea’i ua ia manatu ai ua i ai sona sa’olotoga i le mea o lo’o tupu, ma va’aia ai loa ona foliga ua to’afilemu,” e pei ona saunoa Sue.

Ina ua to'amālie uma tagata, sa mafai loa ona talanoa lelei e soālaupule le mata'upu, ma iloa ai le mea o lo'o mana'o ai le tamaloa.

O uiga tigā alofa o Sue mo le mafatiaga o le tamaloa na mafai ai ona ia gaioi i se auala aogā.

Talu ai sa ia fa'aalu se taimi e tu'u ai o ia i
le tulaga o le tamaloa i le auala e va'ai ai i le
mata'upu, ma fai ifo ai le vevesi o le mata'upu
ma ua maua ai foi e le tamaloa le fesoasoani
sa ia mana'omia.



EMPATHY

Te aroha ki te tangata kē

Walk In
Their Shoes

Me hīkoi i ō rātou ara



FA'ATĀUAINA O 'TUPU'AGA 'ESE'ESE

TELE FINAGALO, TASI LE FA'AMOEOGA.

FA'AMATALAGA › MATOU TE TALITONU I LE TĀUA O MANATU MA TOMAI 'ESE'ESE
INA IA ATILI FA'ALELEIA AI MEA O LO'O MATOU FAIA.

AISEĀ O LE TOE MAFAUFAU I TAGATA MA PITONU'U O LO'O MATOU TAUTUAINA MA FA'ATĀUA FINAGALO 'ESE'ESE E FA'AALIA, O LE A MAUA AI VAIFOFO LELEI MO FA'AFITAU LI MA ISI I'UGA AOGĀ.

Ina ua maliu fasia le tamā sa fai lona fale'olua (dairy) i Henderson, si tamā ia Arun Kumar mai se osofa'iga na gaoia ai lona fale'olua, sa amata ona lagalagā atugaluga o i latou o lo'o faia pisinisi o fale'olua lait i Aukilani, i lo latou saogalemu.

I le Itumalo lava ia o Counties-Manukau, o le 95 pasene o i latou o lo'o fai o latou tama'i fale'oloa ma fale fa'atau 'ava malosi (dairy & liquor store) o nisi mai le atu Asia i Saute. O le to'atele o i latou nei e lona lua le malamalama i le Igilisi, e to'alaiti o lo'o iloa auala faigofie e mafai ona fai ina ia puipui i latou ma a latou pisinisi, ma e itititi lava so latou mau fa'atuatuaina o Leoleo.

Ina ua maua se avanoa e auai atu i se vaega tãua o le komiunited ma fa'asoa atu i ai nisi o fe'au e puipuia ai i latou mai soligatulafono, na fa'alauiloa ai e le vaega a lea a'ai le Operation Dukan (Hindi mo faleoloa). Na ta'ita'ia lea fuafuaga e le Satini o Sergeant Gurpreet Arora ma fa'aoga ai tomali tau gagana ma le aganu'u a Leoleo e to'afã - sa ta'ito'atasi Leoleo mai itu e fã o le Itumalo.

E silia ma le masina na latou auai atu ai i pisinisi e 297, ma fa'atumu pepa na fai ai ni sa'ili'iliga ma ni su'esu'ega i le tulaga o le saogalemu, ma tufatufa atu fa'amatalaga ma fautuaga tau puipuiga, e a'oa'oina ai i latou o lo'o iai o latou

fale'olua (retailers) i la'asaga uma e tataua ona latou uia mo le puipuia o lo latou sagalemu.

O le i'uga o lena Operation Dukan, e tusa ma le 80 pasene na si'itia ai lagona maua fa'atuaina o tagata fai fale'olua. E saogalemu ai le ola – ma saogalemu fa'alogona – ona o fe'au ma le fesoasoani tau pui-puiga na latou maua.

“O se tasi o mafua’aga e matuā taulau manuia ai galuega a Leoleo a Niu Sila, talu ai matou te galulue mamafa ina ia puipuia ma amana’ia tagata lautele uma o komiuniti o lo’o matou tautuaina,” e pei ona saunoa ai Gurpreet. “O le mafai ona matou fa’afaigaluegaina o se aufaigaluega e tele o latou tomai ma poto masani, e i ai le silafia i gagana ‘ese’ese ma aganu’u ‘ese’ese, o se fa’aa’oa’oga lelei lena o le fa’aaogā o tupu’aga ‘ese’ese.”



VALUING DIVERSITY

Me whakamihi te kanorau

Many Views,
One Purpose

He tini ngā tirohanga, kotahi te whāinga



A close-up, profile view of a woman with dark hair, smiling and wearing a black headset with a microphone. She is wearing a black jacket with a white polka-dot scarf. In the bottom right corner, the New Zealand Police logo is displayed, featuring a crest with a crown and the letters 'NZP'. To the right of the logo, the text 'New Zealand' is in black, 'POLICE' is in large orange letters, and 'Nga Pirihimana O Aotearoa' is in smaller black text. A decorative orange line with a repeating pattern runs across the bottom of the page.

Aufaigaluega



New Zealand
POLICE
Nga Pirihimana O Aotearoa